



دعاء يثبتمقبولكن

09 جمادى الآخر 1442 هـ برساماءن 22 جانواري 2021 م

الْحَمْدُ لِلَّهِ الْقَائِلِ

وَقَالَ رَبُّكُمْ ادْعُونِي أَسْتَجِبْ لَكُمْ إِنَّ الَّذِينَ يَسْتَكْبِرُونَ عَنْ

عِبَادَتِي سَيَدْخُلُونَ جَهَنَّمَ دَاخِرِينَ ﴿٦٠﴾

(موءمن ايات : 60)

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،

وَأَشْهَدُ أَنَّ مُحَمَّدًا عَبْدُهُ وَرَسُولُهُ،

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ

وَعَلَى آلِهِ وَأَصْحَابِهِ أَجْمَعِينَ

أَمَّا بَعْدُ فَيَا عِبَادَ اللَّهِ اتَّقُوا اللَّهَ

أَوْصِيَكُمْ وَإِنِّي بِتَقْوَى اللَّهِ فَقَدَ فَازَ الْمُتَّقُونَ

قَالَ اللَّهُ تَعَالَى فِي كِتَابِهِ الْعَزِيزِ :

يَأَيُّهَا الَّذِينَ ءَامَنُوا أَطِيعُوا اللَّهَ وَأَطِيعُوا الرَّسُولَ وَأُولِي الْأَمْرِ مِنْكُمْ فَإِن
نَنزَعْنَكُمْ فِي شَيْءٍ فَرُدُّوهُ إِلَى اللَّهِ وَالرَّسُولِ إِن كُنتُمْ تُؤْمِنُونَ بِاللَّهِ وَالْيَوْمِ

الْآخِرِ ذَلِكَ خَيْرٌ وَأَحْسَنُ تَأْوِيلًا ﴿٥٩﴾ (النساء: 59)

برمقصود: "واهاي اورغ يغ بر ايمان، طاعتله كامو كقد الله
دان طاعتله كامو كقد رسول الله دان كقد "أولى الأمر"
(اورغ يغ بر كواس) درقد كالغن كامو. كمودين جك كامو
بر بنته- بنته (برسليسيهن) دالم سسواتو فر كارا، مك هندقله
كامو معمباليكنش كقد (كتاب) الله (القرءان) دان (السنة)
رسولش، جيڪ كامو بنر ۲ بر ايمان كقد الله دان هاري أخيرة.
يغ دمكين اداله لبيه باعيق (باكي كامو)، دان لبيه ايلوق قولاً
كسودهنش". □

سيدغ جمعة يغ درحمتي الله،

ماريله كيت منيغكتكن كتقواءن كقد الله سبحانه
وتعالى دغن برسوغكوه- سوغكوه ملقسناكن سكالالا فرينتهن
دان منيغكلكن سكالالا لارغنش. موده- مودهن كيت منداقت

رحمة دان کبر کتن هیدوف ددنیا دان دأخيرة. خطبه قد کالی
این اکن معهور ایکن تاجوق دعاء یغ دمقبولکن.

دعاء دالم اجرن اسلام مملیقی کدودوقن یغ ساعت
ایستیمیوا. دعاء برمقصود فرموهونن سآورغ همبا کقد الله
سبحانه وتعالی اکر دفر کنکن سسواتو حاجة یغ دمینتا اتاو
منولق سسواتو مصیبة یغ موغکین اکن منیمقا دیرین. دعاء
هان بولیه دقوهون کقد الله سبحانه وتعالی کران دیاله یغ مها
اکوغ، مها مغانهوی دان مها مفر کنکن. رستو دان رضا
الله سبحانه وتعالی امت دفر لوکن دالم کهیدوقن مانسی باکی
منجافای کبهاکیان هیدوف ددنیا دان دأخيرة. فرمان الله
سبحانه وتعالی دالم سورة الموءمن آیات 60 یغ تله دباچکن
قد اول خطبة تادی برمقصود:

"دان توهن کامو بر فرمان: بردعائه کامو کقداکو نسچای
اکو فر کنکن دعاء فرموهونن کامو. سسوغکوهن اورغ ۲
یغ سومبوغ تکبور درقد بردعاء سرتا برعبادة کقداکو، اکن
ماسوق نراک جهنم دالم کادان هینا".

نامون بکیتو، ماسیه اد دکالغن مأنسي یغ ماسیه
منسیا-سیاکن نعمت دعاء یغ الله سبحانه وتعالی کورنیاکن
این. مریک مریمیهکن کلبیهن بردعاء بهکن اد یغ اغکن
بردعاء کران سوده براس سلپسا دغن کهیدوثن یغ دمیلیکی
تنقا معهارف کقد الله سبحانه وتعالی. اورغ یغ اغکن بردعاء
این دکامبرکن اولیه الله سبحانه وتعالی سباکای اورغ یغ
برصفا سومبوغ دان اغکوه کران مریک میکیکن بهاوا
مریک تیدق فرلو برکنتوغ کقد توهن یغ مها اسا، ماهن
مریک لبیه مینتا دان معهارف کقد سسام مخلوق. العکه
بوروقن مأنسي یغ برسیکف سدمکین سدغکن سلوروه عالم
این اداله کقوپاءن الله سبحانه وتعالی یغ مها قمبری رزقی
کقد همبا۲۸.

معاشر المسلمین رحمکم الله،

سواجرن سباکای اومت اسلام کیت هندقله
معکوناکن کلبیهن بردعاء دالم کهیدوثن کیت کران دعاء
مروفاکن سنجات باکی اورغ موءمن. دعاء جوک
معکمیرکن راس کبرکنتوغن ساورغ همبا کقد توهنن.
کناهیله بهاواسن الله سبحانه وتعالی اکن ممقرکنکن دعاء

همبائ دغن قلباڪاي چارا ياءيت دفرڪننڪن دعاء همبائ
 دغن دبريڪن اف ۲ سهاج يڄ دحاجتڪن ڪتيڪ ددنيا. اد
 جوڪ دعاء يڄ دقوهون اوليه همبائ ايت دسيمقن دان اڪن
 دبريڪن قد هاري آخيرة ڪلق. ترداقت جوڪ دعاء يڄ دقوهن
 اوليه همبائ تيدق دبريڪن اف يڄ دحاجتڪن اڪن تتايي
 دفرڪننڪن دغن چارا دليندوغي سساورغ ايت درقد
 ڪبوروقن. دالم سبواه حديث يڄ دروايتڪن اوليه الامام احمد
 درقد ابو سعيد رضي الله عنه بهاواسن رسول الله صلى الله
 عليه وسلم برسبدا يڄ برمقصود:

"تيدقله ساورغ مسلم يڄ بردعاء دغن دعاء يڄ بوڪن اونتوق
 ڪبوروقن دان بوڪن اونتوق مومتوسڪن ايڪن صِلَةُ الرَّحْمِ،
 ڪچوالي الله اڪن ممبرين تيك ڪموغڪينن؛ دعاءن اڪن سڪرا
 دفرڪننڪن، اتاو اڪن دتوندا سمقاي دآخيرة، اتاو اي اڪن
 دجاوهڪن درقد ڪبوروقن يڄ ساومقمان، قارا صحابة
 برتان؛ جڪ دمڪين ڪيت مينتا يڄ لبيه بايق، "لالو بڪيندا
 برسبدا: "الله مميلقي يڄ لبيه بايق".

سید غ جمعة یغ درحمتي الله سکالین،

اولیه ایت، باکی ممستیکن دعاء یغ دفوهون دمقبولکن
اولیه الله سبحانه و تعالی، مک اکام اسلام تله ممبریکن ببراڤ
ڦندوان اونتوق سساورغ ایت بردعاه انتارائ ایاله کتیک
بر دعاه هندقله سنتیاس براد دالم کاداءن مرنده دیری، تنغ دان
سنتیاس دالم کاداءن طاعة کقد الله سبحانه و تعالی. ایلقکن
بر دعاه دغن ترکسا- کسا دان جاغن سکالی ۲ مپالهکن الله
سبحانه و تعالی جک دعاه بلوم دمقبولکن. دالم سبواه حدیث
یغ دروایتکن اولیه الامام مسلم درقد ابو هریره رضی الله عنه
بهاواسن رسول الله صلی الله علیه وسلم برسبدا یغ برمقصود:
"دعاه سساورغ دری کالین اکن سنتیاس دقابولکن سلاما
ای تیدق ترکسا- کسا هیغک معاتکن: اکو تله بردعاه کقد
توهنکو، نامون بلوم دقبولکن اونتوقکو".

سلاین ایت، کتیک بردعاه کیت هندقله برچاکڤ
دغن نادا سوارا یغ ڤرلاهن دان ڤنوه دغن کخشوعکن.
ایلقکن معکوناکن سوارا یغ کراس سڤرتی ممقسا دان جاغنله
لملقاوی باتس دالم موهون سسواتو حاجة. بردعاهله
برسوغکوه-سوغکوه دغن کأخلاصن دان ڤغهارقن سرتا

هيندرکن ديري ملاکوکن فربواتن یغ بولیه منداثعکن دوسا،
کران رحمة الله سبحانه وتعالی ساعت جاوه درقد اورغ یغ
ملاکوکن کجاهتن. فرمان الله سبحانه وتعالی دالم سورة
الأعراف آیات 55 هیعک 56 یغ برمقصود:

"بردعائه کقد توهن کامو دغن مرنده ديري دان (دغن
سوارا) فرلاهن-لاهن. سسوغکوهن الله تیدق سوک کقد
اورغ ۲ یغ ملمقاوئی باتس. دان جاعنله کامو بربوات
کروسقن دبومي سسوده الله میدیاکن سکالا یغ ممباوا
کبايقن قدن دان بردعائه کقدن دغن فراساءن بيمبع
(کالاو ۲ تیدق دتریما) دان جوک دغن فراساءن ترلالو
مغهارقکن (سوقاي مقبول). سسوغکوهن رحمة الله ایت
دکت کقد اورغ ۲ یغ مقرباءیقی عمالنش".

سیدغ جمعة یغ درحمتي الله سکالین،

روموسن بوات مغاخیری خطبة قد کالی این، منبر
ایغین میرو قارا جماعه سکالین، بردعائه کقد الله سبحانه
وتعالی برسوغکوه-سسوغکوه کران اورغ یغ بردعائه اداله
مريک یغ میلیقی کیقینن دان قغهارقن یغ تیغکی کقد الله
سبحانه وتعالی. یقینله بهاوا الله سبحانه وتعالی مها مندغر

فرموهونن دان مقبولکن فرمیتتآن همباث دغن شرط همباث
ملقساناکن کطاعتن دان سنتیاس برایمان کفدث. سام-سامله
کیت برسغک باءیق ترهادف الله سبحانه وتعالی. فرمان الله
سبحانه وتعالی دالم سوره البقرة ایات 186:

وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ
فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ ﴿١٨٦﴾

برمقصود: "دان اقاویلا همبا ۲ کو برتآن کقدمو معنای اکو،
مک (بریتاهو کفد مریک) سسوغکوهن اکو (الله) سنتیاس
همقیر (کفد مریک)، اکو فرکنکنن فرموهونن اورغ یغ
بردعآ اقاویلا ای بردعآ کفدکو، مک هندقله مریک
مپاهوت سروانکو (دغن ممتوهی فریتتهکو) دان هندقله
مریک برایمان کفد اکو، سوفا یا مریک منجادی باءیق سرت
بتول".

بَارِكْ اللَّهُ لِي وَلَكُمْ بِالْقُرْآنِ الْعَظِيمِ ، وَنَفَعَنِي وَإِيَّاكُمْ بِمَا فِيهِ مِنْ
الآيَاتِ وَالذِّكْرِ الْحَكِيمِ ، وَتَقَبَّلْ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ
الْعَلِيمُ ، أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ ، وَلِسَائِرِ

الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ، فَاسْتَغْفِرُهُ فَيَا
فَوْزَ الْمُسْتَغْفِرِينَ وَ يَا نَجَاةَ التَّائِبِينَ.